

# **Ala xa Masenyi Annabi Esidirasi be Masenyi nde yi Kitaabui xa fe ra**

Isirayila xa taruxui findixi masenyi belebele nan na Ala xa mixie be. Alatala to Isirayila sugandi a xa pama ra, e pere ki a nun Ala e meeni ki naxe, na misaali xungbe masenma. Isirayila nu luxi ne alo di loxi naxan gbilenma a baba xa kira singe ma jaxankate saabui ra.

Isirayila bɔnsɔe fu nun firin to e Marigi xa kira bejin, Ala naxa a niya si gbete xa no Isirayila ra, e e keri e xa boxi ma, e e findi konyie ra. Na naxa raba Isirayila seeti ra naxan nu na koola ma, a man naxa raba Isirayila seeti ra naxan nu na yirefanyi ma. Namijɔnmɛ nu na birin kolonma ne, e fa a fala kene ma, beenun a xa raba. E xa masenyi kui, e nu a falama a Alatala na a niyama e xa xanin konyiya kui e xa yunubie xa fe ra, e man nu a falama a Alatala e ragbilenma ne e xa boxi ma je tongo solofere dangi xanbi.

Annabi Esidirasi xa waxati, na je tongo solofere nu bara kamali. Alatala naxa a niya Perise mange Sirusi xa nate tongo Isirayila konyie ragbilenfe e xonyi Darisalamu, alako e xa Ala xa horomobanxi ti. Sirusi nu wama a xon e xa serexee ba a be, kono Ala nu na birin nabama ne alako a xa a xa laayidi rakamali. A nu na meenife a xa pama ma.

Isirayila bɔnsɔɛ to gbilen e xɔnyi, e yaxuie naxa fe birin naba alako e naxa Ala xa hɔrɔmɔbanxi ti. E naxa kalamui sa Perise mangɛ bɛ Isirayila xa fe ra, kɔnɔ a raɔnyi Isirayila naxa nɔ wali rabade. Ala xa namipɔnmɛ Hagi nun Sakari naxa e ralimaniya na wali kui. Na limaniya luma Ala xa mixie yi ra han to. Xa mixi luma Ala sɛti ma, e fama tɔrɛ sɔtɔde Ala yaxuie saabui ra, kɔnɔ a raɔnyi e xa fe sɔɔneyama nɛ Alatala fɔrɔmɛ ra. Ala xa won mali lufe a xa sɔɔneya kira xɔn. Amina.

## **Ala xa Masenyi Annabi Esidirasi bɛ**

### *Isirayilakae gbilenfe Darisalamu*

<sup>1</sup> Perise mangɛ Sirusi xa mangɛya folɔ nɛ naxan na, Alatala naxa wa fe rakamalife a naxan masen Annabi Yeremi bɛ. Alatala naxa a sa Sirusi bɔnɛ ma, a xa yi masenyi fala, a man xa a seɛ mixie bɛ naxee na a xa yaamari bun ma. Na masenyi nan yi ki: <sup>2</sup> «N tan Perise mangɛ Sirusi xui nan ya. Marigi Alatala naxan na koore ma naxan dunija mangɛya birin fixi n ma, a bara n yaamari, n xa hɔrɔmɔbanxi ti a bɛ Darisalamu, Yudaya bɔxi ma. <sup>3</sup> Naxee birin findixi Ala xa jama ra wo ya ma, e birin xa gbilen Darisalamu, Yudaya bɔxi ma, alako e xa hɔrɔmɔbanxi ti Isirayila Marigi Alatala bɛ, naxan na Ala ra Darisalamu. <sup>4</sup> Perisekae xa e dɔxɔboore Isirayila mixie ki gbeti, xɛɛma, se fanyie, nun xurusee ra naxee bama sɛrɛxɛ janigexie ra Ala xa hɔrɔmɔbanxi kui Darisalamu.»

<sup>5</sup> Yuda nun Bunyamin bɔnsɔɛ kuntigie, Lewi bɔnsɔɛ mixie nun sɛrɛxɛdubɛ naxee nu na e ya ma, a nun Ala naxee birin bɔɲɛ rate sigafe ra, e birin naxa siga Ala xa hɔrɔmɔbanxi tide Darisalamu. <sup>6</sup> E dɔxɔbooree naxa e ki gbeti, xɛɛma, se fanyie, xurusee, nun harige ra, a nun sɛrɛxɛ ɲanigexie. <sup>7</sup> Mange Nebukadansari nu bara se gbegbe ramini Darisalamu hɔrɔmɔbanxi kui a xa waxati, a fa e raso a xa ala xa banxi kui. Perise mange Sirusi naxa na birin namini, <sup>8</sup> a e taxu kɔbiri ragatama Miteredati ra, a xa a rasanba Yudaya mange Sɛsɛbasari ma.

<sup>9</sup> Na see kɔnti nan yi ki: paani xɛɛma daaxi tongo saxan, paani gbeti daaxi wulu keren, fine mɔxɔɲɛn nun solomanaani, <sup>10</sup> pileti xɛɛma daaxi tongo saxan, pileti gbeti daaxi kɛmɛ naani, pileti fu, a nun yirabase gbɛtɛ wulu keren. <sup>11</sup> Na se xɛɛma daaxi nun gbeti daaxi birin kɔnti naxa lan yirabase wulu suuli kɛmɛ naani ma. Isirayila geelimanie to keli Babilɔn gbilenfe ra Darisalamu, Sɛsɛbasari naxa na naafuli birin xanin a xun ma.

## 2

### *Mixi naxee gbilen Yudaya*

<sup>1</sup> Mixie nan yi ki mange Nebukadansari fa naxee ra Babilɔn bɔxi ma, naxee nu wama gbilenfe e xɔnyi Darisalamu nun Yudaya. <sup>2</sup> Sorobabeli, Yesuwa, Nehemi, Seraya, Reelaya, Morodekayi, Bilesan, Mispari, Begifayi, Rexumi, nun Baanna naxa findi e xa yareratie ra. Na Isirayila xɛmɛɛ kɔnti nan yi ki:

- 3 Paroso xa die, mixi wulu firin, mixi keme, mixi tongo solofere nun firin.
- 4 Sefataya xa die, mixi keme saxan, mixi tongo solofere nun firin.
- 5 Ara xa die, mixi keme solofere, mixi tongo solofere nun suuli.
- 6 Mowaba Paxati xa die, mixi wulu firin, mixi keme solomasaxan nun mixi fu nun firin. Mowaba Paxati kelixi Yesuwa nun Yowaba xabile ne.
- 7 Elama xa die, mixi wulu keren, mixi keme firin, mixi tongo suuli nun naani.
- 8 Satu xa die, mixi keme solomanaani, mixi tongo naani nun suuli.
- 9 Sakayi xa die, mixi keme solofere nun mixi tongo senni.
- 10 Bani xa die, mixi keme senni, mixi tongo naani nun firin.
- 11 Bibayi xa die, mixi keme senni, mixi moxonen nun saxan.
- 12 Asigadi xa die, mixi wulu keren, mixi keme firin, nun mixi moxonen nun firin.
- 13 Adonikama xa die mixi keme senni, mixi tongo senni nun senni.
- 14 Begifayi xa die mixi wulu firin, mixi tongo suuli nun senni.
- 15 Adin xa die, mixi keme naani, mixi tongo suuli nun naani.
- 16 Ateri xa die, Xesekiya xabile, mixi tongo solomanaani nun solomasaxan.
- 17 Beseyi xa die, mixi keme saxan mixi moxonen nun saxan.
- 18 Yora xa die, mixi keme, mixi fu nun firin.
- 19 Xasuma xa die, mixi keme firin, mixi moxonen nun saxan.

- 20 Gibari xa die, mixi tongo solomanaani nun suuli.
- 21 Betelεemu xεmεe, mixi kεmε, mixi mαxαpεn, a nun saxan.
- 22 Mixi naxee keli Netofa, mixi tongo suuli nun senni.
- 23 Mixi naxee keli Anatoti, mixi kεmε mixi mαxαpεn nun solomasaxan.
- 24 Mixi naxee keli Asamafeti, mixi tongo naani nun firin.
- 25 Mixi naxee keli KiriyaTi Yeyarimi, Kefira, nun Beroti, mixi kεmε solofere, mixi tongo naani nun saxan.
- 26 Mixi naxee keli Rama nun Geba, mixi kεmε senni, mixi mαxαpεn nun keren.
- 27 Mixi naxee keli Mikimasi, mixi kεmε, mixi mαxαpεn nun firin.
- 28 Mixi naxee keli Beteli nun Ayi, mixi kεmε firin, mixi mαxαpεn nun saxan.
- 29 Mixi naxee keli Nebo, mixi tongo suuli nun firin.
- 30 Magibisa xa die, mixi kεmε, mixi tongo suuli nun senni.
- 31 Elama gbεtε xa die, mixi wulu keren, mixi kεmε firin, mixi tongo suuli nun naani.
- 32 Xarima xa die, mixi kεmε saxan, mixi mαxαpεn.
- 33 Mixi naxee keli Lodi nun Xadidi, mixi kεmε solofere, mixi mαxαpεn nun suuli.
- 34 Mixi naxee keli Yeriko, mixi kεmε saxan, mixi tongo naani nun suuli.
- 35 Mixi naxee keli Senaa, mixi wulu saxan, mixi kεmε senni, mixi tongo saxan.

36 Σερεχεδυβεε κόντι ναν γι κι:

Υεδαγα xa di naxee kelixi Yesuwa xabilε, mixi kεμε solomanaani, mixi tongo solofere nun saxan.

37 Imeri xa die, mixi wulu keren, mixi tongo suuli nun firin.

38 Pasura xa die, mixi wulu keren, mixi kεμε firin, mixi tongo naani, nun solofere.

39 Xarima xa die, mixi wulu keren, mixi fu nun solofere.

40 Lewi βονσωε κόντι ναν γι κι:

Yesuwa nun Kadamiyeli xa die, mixi tongo solofere nun naani.

41 Βεετιβαε κόντι ναν γι κι:

Asafi xa die, mixi kεμε, mixi μωχωρην nun solomasaxan.

42 Ηορωμβανχι μακαντεε κόντι ναν γι κι:

Salumu, Ateri, Talamon, Akubu, Xatita, nun Sobayi xa die,

mixi kεμε, mixi tongo saxan nun solomanaani.

43 Ηορωμβανχι walikεε ναν γι κι:

Sixa xa die, Xasufa xa die, Tabayoti xa die,

44 Kerosi xa die, Siyaha xa die, Padon xa die,

45 Lebana xa die, Hagabaha xa die, Akubu xa die,

46 Xagabi xa die, Salamayi xa die, Hanan xa die,

47 Gideli xa die, Gaxari xa die, Reyaya xa die,

48 Resin xa die, Nekoda xa die, Gasama xa die,

49 Usa xa die, Paseya xa die, Bisayi xa die,

50 Asana xa die, Mewunima xa die, Nefusima xa die,

51 Bakibuki xa die, Xakufa xa die, Xarixuri xa die,  
 52 Basiluti xa die, Mexida xa die, Xarasa xa die,  
 53 Barakosi xa die, Sisera xa die, Tema xa die,  
 54 Nesiya xa die, nun Xatifa xa die.

55 Mange Sulemani xa walikεε xa die nan yi ki:  
 Sotayi xa die, Sofereti xa die, Peruda xa die,  
 56 Yaala xa die, Darakon xa die, Gideli xa die,  
 57 Sefataya xa die, Xatili xa die,  
 Pokereti Hasebayimi xa die, nun Ami xa die.

58 Hōrōmōbanxi walikεε nun Sulemani xa wa-  
 likεε xa die birin findixi mixi kεmε saxan, mixi  
 tongo solomanaani, nun firin nan na.

59 Mixie nan yi ki naxee keli Mela, Xarasa,  
 Kerubu Adan, nun Imeri. E mu nō a masende  
 a e xabile findixi Isirayilakae nan na.

60 Delaya xa die, Tobiya xa die, nun Nekoda xa  
 die,  
 e findixi mixi kεmε senni mixi tongo suuli nun  
 firin nan na.

61 Serεxεdubεε xa die fan nu na e ya ma:  
 Xabaya xa die, Hakosi xa die, nun Barasilayi xa  
 die.  
 Barasilayi xa die benba nu bara Barasilayi Gal-  
 adika xa di ginε dōxō,  
 a man naxa na xili tongo.

62 E xilie to mu to taruxui kui, e mu nōxi  
 serεxεdubε wali rabade. 63 Mange naxa a fala e  
 bε, a e naxa donse seniyenxi don han serεxεdubε  
 nde nōma e xa fe rafixede Ala xa tōnxumae  
 Urimi nun Tumimi saabui ra temui naxε.

64 Nama naxan gbilen Yudaya, a birin findi  
 mixi wulu tongo naani nun firin, mixi kεmε

saxan mixi tongo senni nan na. <sup>65</sup> Konyi ginεe nun xεmεε mu nu na na kōnti ya ma. E fan lanxi mixi wulu solofere, mixi kεmε saxan tongo saxan nun solofere nan ma. Bεεtibae fan findi mixi kεmε firin nan na.

<sup>66</sup> Yi daalise xasabi nu na e yi ra: soe kεmε solofere, tongo saxan nun senni, soe banaxi kεmε firin, tongo naani nun suuli, <sup>67</sup> πoxomε kεmε naani, tongo saxan nun suuli, a nun sofale wulu senni, kεmε solofere mōxopεn.

<sup>68</sup> Xabilε kuntigie to Ala xa banxi li Darisalamu, e naxa sεrεxε janigexi ba Ala xa banxi xa fe ra, alako a man xa ti mεnni. <sup>69</sup> E naxa kōbiri ba yi wali xa fe ra. Na kōbiri findi kōbiri kole wulu tongo senni nun keren nan na xεema daaxi, a nun kōbiri kole wulu suuli gbeti daaxi. E man naxa sεrεxεdubε dugi kεmε ba yi wali xa fe ra.

<sup>70</sup> Na nan na ki sεrεxεdubεε, Lewi bōnsōε mixie, bεεtibae, hōrōmōbanxi kantae, nun hōrōmōbanxi walikεε, e birin naxa sabati e gbe tae kui, a nun Isirayilakae birin.

### 3

#### *Ala xa sεrεxεbade nun hōrōmōbanxi tife*

<sup>1</sup> Kike solofere to kamali, Isirayilaka naxee nu na na tae kui, nee birin naxa e malan Darisalamu. <sup>2</sup> Yosadaki xa di Yesuwa nun a booree sεrεxεdubεε, a nun Salatiyeli xa di Sorobabeli nun a booree, e naxa kafu e boore ma, e sεrεxεbade ti Isirayila Marigi Ala bε, alako e xa sεrεxε gan daaxie ba alō Annabi Munsa a masen sεriyε kui ki naxε. <sup>3</sup> E naxa na sεrεxεbade ti a yire fori, e man naxa sεrεxε ba folō gεεsεgε



nun nunmare. E nu na birin nabafe gaaxui nan kui si gbeteē xa fe ra, naxee nu na e rabilinyi. <sup>4</sup> E naxa Bage Ti Sali raba alo a sebexi kitaabui kui ki naxe, e man nu serexee bama loxo yo loxo seriyē ki ma. <sup>5</sup> E nu serexē gan daaxi bama Kike Neeē Sali nun sali xungbee waxati, a nun temui gbete mixi nde na a janige temui naxe. <sup>6</sup> Na kike solofere nde loxoe singe, e naxa serexē ba folo Ala be, kono Alatala xa horomobanxi mu nu korinxi sinden.

<sup>7</sup> Na temui e naxa kobiri ba alako Sidon nun Tire gema masolie nun banxitie xa fa e malide. E naxa sansi xorie, weni, nun ture fan ba e be, alako e xa fa wuri ra ye kira ra kelife Liban han Yafa, alo Perise mange Sirusi a yamari ki naxe. <sup>8</sup> Na je igbilenyi, kike firin nde, Salatiyeli xa di Sorobabeli, Yosadaki xa di Yesuwa, e ngaxakerenyie, serexedubee, Lewi bonsoe mixie, nun jama naxan keli konyiya kui Perise boxi ma, e birin naxa wali folo. Alatala xa banxi wali naxa taxu Lewi bonsoe mixie ra, naxee nu bara je moxonen nun a xanbi soto. <sup>9</sup> Yesuwa naxa a xa die, nun a ngaxakerenyi Kadamiyeli, nun a xa die ti horomobanxi walikēe xunyie ra, a nun Xenadadi, a xa die, nun a ngaxakerenyi naxee kelixi Lewi bonsoe.

<sup>10</sup> Walikēe to ge Alatala xa horomobanxi korinde, serexedubee nun Asafi xa di Lewi bonsoe mixie naxa Alatala matoxo sarae nun maxasee xui ra, Isirayila mange Dawuda xa seriyē ki ma. <sup>11</sup> E nu Alatala tantu, e a matoxo yi beeti ra,  
«Alatala nan fan,  
a hinnema Isirayila ra abadan.»

Nama birin naxa Alatala matoxo e xui itexi ra, Alatala xa banxi korinfe xa fe ra. <sup>12</sup> Fori naxee nu bara Ala xa horomobanxi singe to, e findi serexedubee ra, e findi kuntigie ra, e naxa wa e xui itexi ra. Booree naxa e xui rate seewe kui. <sup>13</sup> Nama mu no jalexinyi xui nun wa xui tagi rasade, barima jama xui xa gboe nu sigama han yire makuye.

## 4

### *Isirayila yaxuie xa kats*

<sup>1</sup> Yuda bonsoe nun Bunyamin bonsoe yaxuie naxa a kolon, mixi naxee nu na konyiya kui Perise boxi ma, e bara Isirayila Marigi Alatala xa horomobanxi ti folo. <sup>2</sup> E naxa siga, e a fala Sorobabeli nun Isirayila kuntigie be, «Muxu wama a xon ma ne, won birin xa kafu won bore ma Ala xa horomobanxi tife ra. Muxu wo Marigi Ala nan batuma, muxu fan nu serexe bama ne a be kabi Asiriya mange Esarixadoni temui, naxan fa muxu ra be.»

<sup>3</sup> Kono Sorobabeli, Yesuwa, nun Isirayila kuntigie naxa e yaabi, «A mu lanma won birin xa yi wali raba. Muxu gbansan nan Ala xa horomobanxi tima Isirayila Marigi Alatala be, alo Perise mange Sirusi a yamari ki naxe.» <sup>4</sup> Na kui, mennikae naxa kata limaniya bade Yudayakae yi ra. E naxa fe birin naba alako e xa na salide tife lu na. <sup>5</sup> E naxa kobiri fi Yudaya marasima ndee ma alako na wali xa kana. Kelifa Perise mange Sirusi xa temui, sa doko Perise mange Dariyusi xa temui ra, e naxa fe birin naba na wali xun nakanafe ra.

<sup>6</sup> Asuyerusu to mangeya soto Perise boxi ma, Yudayakae yaxuie naxa kalamui keedi nde sebe a ma Yudayakae nun Darisalamukae xa fe ra.

<sup>7</sup> Perise mange Atasakasi xa waxati fan, Bikilamu, Miteredati, Tabeeli nun e boore donxose naxa bataaxe sebe mange ma Arami xui ra.

<sup>8</sup> Gomina Rexumi xa sebeliti Simesayi naxa yi bataaxe sebe mange Atasakasi ma a rakolonfe ra Darisalamu xa fe ma. A yi nan sebe: <sup>9</sup> «Yi bataaxe fatanxi Gomina Rexumi nan ma, nun a xa sebeliti Simesayi, a xa kuntigi naxee findixi kiitise, sebelitie Erekiakae, Babilonkae, nun Susaka naxee kelixi Elama boxi ma, <sup>10</sup> a nun si gbete mixie, mange xungbe Usinapari naxee rasiga Efirati naakiri ma, e xa sabati Samari tae kui. <sup>11</sup> Mange Atasakasi, yi bataaxe fatanxi i xa konyie nan na, naxee na xure naakiri ma. <sup>12</sup> Mange, i xa a kolon Yuwif i naxee keli i xa boxi ma, e bara fa muxu mabiri, e fa sabati Darisalamu. E na na taa rakelife, naxan kolonxi matandilae xa taa ra. E bara a tete yailan folo. <sup>13</sup> Mange, i xa a kolon, xa e na tete yailan, e naxa na taa ti, mennikae mu duuti yo fima i ma sonon. Na findima fe xoroxe nan na mangasanyi be. <sup>14</sup> Na na a ra, muxu tan naxan tixi i xanbi ra, muxu mu noma na fe binyetarepa tode, a fa lu muxu mu i rakolon. <sup>15</sup> I na i babae xa taruxuie xaran, i fama a tode na taaka matandilae mu mange yo binyama. Kabi temui xonkuye e luma mangee matandi ra. E xa taa nu bara kana na nan ma. <sup>16</sup> Mange, muxu xa a fala i be, xa yi taa nun a tete rakeli, i fama ne gande i xa boxi ra naxan na bebiri Efirati xure naakiri ma.»

17 Mange naxa e yaabi yi sebeli ra, «I tan gomina Rexumi, nun i xa sebeliti Simesayi, nun I xa kuntigi naxee na Samari nun yire gbete Efirati xure naakiri ma, n bara wo xeebu. 18 N ma mixie bara wo xa bataaxe madangi n ma xui ra, e a xaran n be. 19 N bara e yamari e xa na taa taruxui fen. Na kui n bara a kolon, na taa luma mangasanyi matandi ra kabi temui xonkuye. 20 Mange gbangbalanyi ndee nu na Darisalamu, naxee nu pamanε birin yamarima naxee nu na Efirati xure naakiri ma. Birin nu duuti fima e ma. 21 Na kui, wo xa a fala na mixie be a e xa wali iti han n yaamari fima temui naxe. 22 Wo xa na mato a fanyi ra alako mangasanyi xun naxa rakana na fe ma.»

23 Gomina Rexumi, nun a xa sebeliti Simesayi, nun mange gbeteε to mange Atasakasi xa bataaxe xaran, e naxa siga keren na Darisalamu Yuwifie yire, e xa na wali iti senbe ra. 24 Na kui Ala xa banxi tife Darisalamu naxa iti han Perise mange Dariyusi xa mangeya je firin nde.

## 5

### *Gbilenge hɔrɔmɔbanxi tife ma*

1 Na temui Annabi Xagayi nun Ido xa di Annabi Sakari naxa Isirayila Marigi Ala xa masenyi ti Yuwifie be, naxee nu na Yudaya nun Darisalamu.

2 Na dangi xanbi, Salatiyeli xa di Sorobabeli nun Yosadaki xa di Yesuwa, naxa gbilen Ala xa hɔrɔmɔbanxi ti ra Darisalamu. Ala xa namijɔnmεe naxa kafu e ma na wali kui.

3 Na waxati, Tatenayi, naxan findi gomina ra Samari bɔxi ma, a nun Setara Bosenayi, nun e xa

kuntigie naxa fa, e e maxorin, «Nde wo yamarixi wo xa yi banxi nun yi tete ti? <sup>4</sup> Ndee na yi wali kui? Wo xa na kanyie xilie fala muxu be.»  
<sup>5</sup> Kono Ala nu a jengi saxi Yuwifi kuntigie xon ma. Yuwifie yaxuie mu no wali itide, beenun e xa bataaxe sebe mange Dariyusi ma, e man xa a yaabi soto yi wali xa fe ra.

<sup>6</sup> Samari gomina Tatenayi, Setara Bosenayi, nun e xa kuntigie naxa yi bataaxe sebe mange Dariyusi ma: <sup>7</sup> «Mange Dariyusi, muxu bara i xebu. <sup>8</sup> Mange, muxu xa i rakolon muxu bara siga Yudaya boxi ma, e na Ala Xungbe xa horomobanxi tife dennaxe. Yuwifie na a tife geme xungbee ra, wurie saxi a kon na. E xa wali na sooneyafe a fanyi ra. <sup>9</sup> Muxu bara e xa forie maxorin, «Nde wo yamarixi wo xa yi salide nun yi tete ti?» <sup>10</sup> Muxu man bara e xa yareratie xilie maxorin, alako muxu xa nee fala i be.»

<sup>11</sup> «Kono e muxu yaabixi yi masenyi nan na: «Ala xa konyie nan muxu ra, naxan koore nun boxi daaxi. Muxu wama a xa horomobanxi nan tife, Isirayila mange xungbe nde nu bara naxan singe ti temui xonkuye. <sup>12</sup> Kono kabi muxu benbae Ala Koore Daa Mange raxono, a naxa e findi Babilon mange Nebukadansari xa konyie ra. Na Kalidika naxa yi salide kana, a man fa bekae xanin Babilon. <sup>13</sup> Na waxati dangi xanbi, Sirusi naxa findi Babilon mange ra, a fa yaamari fi a xa mangeya je singe ra, Ala xa horomobanxi man xa ti. <sup>14</sup> Mange Sirusi naxa xema nun gbeti ba Babilon salide kui, Babilon mange Nebukadansari naxan tongoxi Darisalamu salide kui, a na birin so Sesebasari

yi ra, a naxan ti Yudaya gomina ra. <sup>15</sup> A naxa a fala a be, «Yi se birin xanin Darisalamu, e xa raso Ala xa horomobanxi kui. Wo xa Ala xa banxi ti a yire fori.» <sup>16</sup> Sesebasari to fa Darisalamu, a naxa Ala xa horomobanxi korin. Sa keli na loxo ma fa doxo to ra, muxu na na wali nan fari, konu a mu jonxi sinden.»

<sup>17</sup> «Mange, na kui xa i bara tin a ra, i xa mange taruxui forie mato, alako i xa a kolon xa mange Sirusi yaamari fi ne Ala xa horomobanxi xa ti Darisalamu. Na temui, i xa i sago masen muxu be na fe ma.»

## 6

### *Horomolingira rabife*

<sup>1</sup> Mange Dariyusi naxa mixie yamari e xa na taruxui forie fen Babilon naafuli ragataxi dennaxe. <sup>2</sup> E naxa sebeli nde to Axameta taa kui Mediya boxi ma naxan yi masenxi: <sup>3</sup> «Mange Sirusi xa mangeya je singe, a naxa a yamari a Ala xa horomobanxi, naxan nu na Darisalamu, a man xa gbilen ti ra, alako serexe xa ba menni. A xa ti geme xungbee fari. A xa ite nun a xa gboe xa lan nongon ya tongo senni ma. <sup>4</sup> Geme masolixi xa findi safe saxan na, wuri neene fan xa findi safe keren na. Na wali sare xa keli mangasanyi xa naafuli kui. <sup>5</sup> Mange Nebukadansari se naxee tongo Darisalamu horomobanxi kui, yirabase xema nun gbeti daaxie, nee birin xa ragbilen, e xa raso Ala xa horomobanxi kui naxan tima Darisalamu.»

<sup>6</sup> «Na nan a ra, Samari gomina Tatenayi, Setara Bosenayi, nun wo xa kuntigie, wo gbilen yi fe foxo ra. <sup>7</sup> Wo xa a lu Yuwifi gomina nun e xa

forie xa Ala xa hōromōbanxi ti a yire fori. <sup>8</sup> N bara wo yamari na Yuwifie xa wali xa fe ra, wo xa wo xa duutie fi e tan nan ma, a xa findi na wali sare ra, alako Ala xa banxi tife xa sōoneya. <sup>9</sup> E hayi na fe naxan birin ma, a xa findi Koore Ala xa serexe gan daaxi ra, wo xa na fi e xa serexedubee ma, alo tuura yore, yexee kontonyi, yexee, mengi, foxoe, weni, nun ture. Wo xa na fi e ma loxo yo loxo alo e wama a xon ma ki naxe. Wo naxa na wali lu na de, <sup>10</sup> alako e xa serexe fanyi ba Koore Ala be, e man xa duba mange nun a xa die be. <sup>11</sup> N bara yi yaamari sa na fari: Mixi yo naxan tondi n ma seriye ratinmede, wo xa wuri keren ba na kanyi xa banxi ma, wo xa a gbaku na wuri ma. A xa banxi xa kana a xa matandi xa fe ra. <sup>12</sup> Mange nun mixi naxan birin katama e xa Ala xa hōromōbanxi rabira, naxan tixi Darisalamu, Ala xa na kanyie fan nabira. N tan Dariyusi, n ma yamari nan na ki. Fo wo xa na raba ne teku.»

<sup>13</sup> Na kui, Samari mange Tatenayi, Setara Bosenayi, nun e xa kuntigie naxa na yaamari rabatu alo mange Dariyusi a yamarixi ki naxe. <sup>14</sup> Yuwifi xa wali naxa sōoneya a fanyi ra alo e xa forie nu wama a xon ma ki naxe. Annabi Xagayi nun Ido xa di Annabi Sakari fan naxa lu Ala xa masenyi kawandi ra. Ala xa hōromōbanxi naxa ti alo Isirayila Marigi Ala a yamarixi ki naxe, Perise mangee Sirusi, Dariyusi, nun Atasakasi sago bun ma. <sup>15</sup> Na hōromōbanxi naxa ge tide Adari kike, xi saxan nde, Dariyusi xa mangeya je senni nde kui.

<sup>16</sup> Isirayila serexedubee, Lewi bonsoe, nun jama birin naxan kelixi konyiya kui Perise boxi

ma, e naxa Ala xa hōrōmōbanxi rabi sēwe ra. <sup>17</sup> Na lōxōe e naxa tuura keme, yexee kontonyi keme firin, nun yexee keme naani ba serexe ra. E man naxa si kontonyi fu nun firin ba yunubi xafari serexe ra Isirayila bōnsōe fu nun firin xa yunubie xa fe ra. <sup>18</sup> E naxa serexedubee nun Lewi bōnsōe mixie birin ti kankan xa wali ra hōrōmōbanxi kui Darisalamu, alo a sebexi Tawureta Munsa kui ki naxe.

<sup>19</sup> Yuwifi naxee kelixi konyiya kui Perise bōxi ma, nee naxa Sayamaleke Dangi Sali raba kike singe xi fu nun naani nde ma. <sup>20</sup> Serexedubee nun Lewi bōnsōe mixie birin nu bara e yete rasenyen, alako e xa Sayamaleke Dangi Sali serexe ba e ngaxakerenyie, serexedubee, nun nama birin be, naxee kelixi konyiya kui Perise bōxi ma. <sup>21</sup> Isirayilaka naxee keli konyiya kui nun e dōxōboore naxee gbilen na bōxi xa naamunyi fōxō ra, e birin naxa malan yire keren Isirayila Marigi Alatala xa fe fenfe ra. <sup>22</sup> E naxa Taami Lebinitare Sali raba xi solofere bun ma sēwe kui, barima Alatala nu bara Asiriya mange bōpe mafindi e be, alako e xa Isirayila Marigi Ala xa hōrōmōbanxi ti.

## 7

### *Annabi Esidirasi xa wali*

<sup>1</sup> Na waxati to dangi, Perise mange Atasakasi xa mangeya bun ma, Annabi Esidirasi naxa fa Darisalamu.

Esidirasi findi Seraya xa di nan na.

Seraya findi Asaraya xa di nan na.

Asaraya findi Xilikiya xa di nan na.



<sup>2</sup> Xilikiya findi Salumu xa di nan na.

Salumu findi Sadɔki xa di nan na.

Sadɔki findi Axituba xa di nan na.

<sup>3</sup> Axituba findi Amaraya xa di nan na.

Amaraya findi Asaraya xa di nan na.

Asaraya findi Merayoti xa di nan na.

<sup>4</sup> Merayoti findi Seraxaya xa di nan na.

Seraxaya findi Yusiyeɓi xa di nan na.

Yusiyeɓi findi Buuki xa di nan na.

<sup>5</sup> Buuki findi Abisuwa xa di nan na.

Abisuwa findi Finexasi xa di nan na.

Finexasi findi Eleyasari xa di nan na.

Eleyasari findi Haruna serɛɛdube kuntigi xa di nan na.

<sup>6</sup> Annabi Esidirasi naxa fa Darisalamu kelife Babilɔn bɔxi ma. Karamɔxɔ belebele nan nu a ra, a Tawureta Munsa kolon a fanyi ra, Isirayila Marigi Alatala seriye naxan so Annabi Munsa yi ra. Perise mange naxa Annabi Esidirasi waxɔnfe birin naba a be, barima mixi na a ra a Marigi Alatala jengi saxi naxan xɔn ma. <sup>7</sup> Isirayilaka ndee, serɛɛdubeɛ, Lewikae, beɛtibae, salide naade kantae, a nun walikee, e birin naxa te Darisalamu, mange Atasakasi xa mangeya je solofere nde ra. <sup>8</sup> Annabi Esidirasi soxi Darisalamu, mange xa mangeya je solofere kike suuli nde nan ma. <sup>9</sup> A keli Babilɔn kike singe xi singe ne, a naxa so Darisalamu kike suuli nde a xi singe nde ma, Ala xa hinne saabui ra. <sup>10</sup> Annabi Esidirasi nu bara a tun nabexi xaranyi ma nun Alatala xa seriye rabafe ma. A nu Ala xa seriye tinxinxi masenma ne Isirayilakae be.

<sup>11</sup> Mange Atasakasi yi bataaxe nan sebe Annabi Esidirasi ma, naxan findi serɛɛdube

nun karamoxo ra, naxan Ala xa seriye birin kolon Isirayila xa fe ra. <sup>12</sup> «Yi bataaxe kelixi n tan Atasakasi nan ma, mangee xa mange, katarabi Annabi Esidirasi ma, naxan mixi xaranma Koore Marigi Ala xa seriye ra. <sup>13</sup> N bara yaamari fi alako i tan xa no Isirayilakae, serexedubee, nun Lewi bonsoe mixie birin xaninde Darisalamu, naxee na be Perise boxi ma konso e wama sigafe naa. <sup>14</sup> N tan mange nun n ma santigi solofere nan i xeexi, i xa sa a mato Yudayakae nun Darisalamukae na Ala xa seriye rabatufe ki naxe. Na kitaabui na i yi ra. <sup>15</sup> I man xa gbeti nun xee ma xanin, n tan nun n ma santigie naxan janigexi Isirayila Marigi Ala be naxan na Darisalamu. <sup>16</sup> I man xa gbeti nun xee ma xanin, Babilonkae naxan soma i yi ra, a nun Isirayilakae nun e xa serexedubee naxan janigema e Marigi Ala xa horomobanxi be naxan na Darisalamu. <sup>17</sup> I xa tuurae, yexee kontonyie, yexeee, mengi, nun weni sara na naafuli ra, e xa ba serexe ra wo Marigi Ala xa serexebade ma Darisalamu. <sup>18</sup> I tan nun i ngaxakerenyie na wa fe naxan nabafe yi gbeti nun xee ma donxoe ra, wo xa a raba alo Ala wama a xon ma ki naxe. <sup>19</sup> I xa siga yirabasee birin na, muxu bara naxee so i yi ra, naxee lan e xa rawali wo Marigi Ala xa banxi kui. I xa na dentegge Ala be Darisalamu. <sup>20</sup> Xa i hayi na kobiri gbete ma, i xa a tongo mange xa naafuli yire alako i Marigi Ala xa banxi wali xa sooneya.»

<sup>21</sup> «N tan mange Atasakasi bara yaamari fi n ma kobiri yire xunyie ma naxan na xure naakiri ma, xa a sa a li Annabi Esidirasi, Ala xa serexedube naxan mixi xaranma Koore Ala

xa seriye ra, xa a hayi na kobiri nde ma, wo xa a so a yi ra, <sup>22</sup> han gbeti kilo wulu saxan, kilo keme naani, mengi xori busali wulu keren, weni litiri wulu firin, litiri keme firin, ture litiri wulu firin, litiri keme firin, a nun fɔxɔe a na wa naxan xasabi xɔn. <sup>23</sup> Wo xa Koore Ala xa yaamari birin naba a fanyi ra a xa hɔrɔmɔbanxi xa fe ra, alako a naxa xɔnɔ won ma mangeya ma a nun n ma die ma. <sup>24</sup> Wo naxa duuti yo rasuxu yi mixie yi ra, hali bɔxi igiri sare. Wo naxa sese ba yi sɛrɛxɛdubɛe yi ra, a nun Lewi bɔnsɔe mixie, bɛɛtibae, salide naade kantae, walikɛe, a nun naxee birin walima Ala xa banxi kui.»

<sup>25</sup> «I tan Annabi Esidirasi, i xa mangɛe nun kiitisaɛ ti pama bɛ naxee na xure naakiri ma alo Ala a masenma i bɛ ki naxɛ lɔnni ki ma. E xa Ala xa pama yamari tinxinyi ra. I xa Ala xa seriye masen mixie bɛ naxee mu a kolon. <sup>26</sup> Mixi yo naxan mu i Marigi Ala xa seriye rabatu, a nun mangɛ xa seriyeɛ, na kanyi xa faxa, xa na mu a xa keri bɔxi ma, xa na mu a xa kobiri ba, xa na mu a xa sa geeli.»

<sup>27</sup> Tantui na Alatala bɛ, won benbae Marigi Ala, naxan mangɛ bɔnɛ rafalaxi a xa wali birin ma Alatala xa hɔrɔmɔbanxi tife ra Darisalamu. <sup>28</sup> Marigi bara hinne n na mangɛ nun a xa santigie nun a xa batulae ya xori. N Marigi Alatala to na senbe fi n ma, n naxa Isirayila kuntigie malan alako muxu birin xa te.

## 8

*Annabi Esidirasi xa biyaasi*

<sup>1</sup> Denbaya kanyie xili nan ya, naxee n mati kelife Babilon sigafe ra Darisalamu mangε Atasakasi xa waxati:

<sup>2</sup> Gerisomi, naxan keli Finexasi xabile.

Daniyeli, naxan keli Itamari xabile.

Xatusi, naxan keli Dawuda xabile.

<sup>3</sup> Sekanaya xa di nde.

Sakari nun xεmε kεmε tongo suuli, naxee keli Paroso xabile.

<sup>4</sup> Eliyehowenayi, naxan keli Mowaba Paxati xabile.

Sεraxaya xa di nde nun mixi kεmε firin.

<sup>5</sup> Sekanaya xa di ndee.

Yaxasiyeli xa di nde nun mixi kεmε saxan.

<sup>6</sup> Ebedi, naxan keli Adin xabile.

Yonatan xa di nun mixi tongo suuli.

<sup>7</sup> Yesaya, naxan keli Elama xabile.

Atalaya xa di, nun mixi tongo solofere.

<sup>8</sup> Sebadaya, naxan keli Sεfataya xabile.

Mikayeli xa di nde nun mixi tongo solomasaxan.

<sup>9</sup> Abadiyasi, naxan keli Yowaba xabile.

Yexiyeli xa di nun mixi kεmε firin mixi fu nun solomasaxan.

<sup>10</sup> Selomiti xa di ndee.

Yosifiya xa di nun mixi kεmε mixi tongo senni.

<sup>11</sup> Sakari, naxan keli Bibayi xabile, a nun mixi mαxαpεn nun solomasaxan.

<sup>12</sup> Yoxanan, naxan keli Asigadi xabile, a nun mixi kεmε mixi fu.

<sup>13</sup> Elifeleti, Yuweli, nun Semaya, naxee keli Adonikama xabile, nun mixi tongo senni.

<sup>14</sup> Utayi nun Sabudu, naxee keli Begifayi xabile, nun mixi tongo solofere.

15 N naxa yi mixie malan xure de ra, xure naxan goroma Ahawa. Muxu naxa lu menni xi saxon. N to jama mato, n naxa a rakorosi a serexedubee nu na, konɔ Lewi bonsoe mixie mu nu na jama ya ma. 16 N naxa yi kuntigie xili: Eliyeseri, Ariyeli, Semaya, Elinatan, Yaribu, Elinatan, Natan, Sakari, nun Mesulama. N naxa karamoxo Yoyaribu nun Elinatan fan xili. 17 N naxa e xee Kasifiya, mange Ido xonyi. N naxa a fala e be e xa Ido nun a ngaxakerenyie mayandi e xa mixi ndee so muxu yi ra naxee noma walide won Marigi Alatala xa horomobanxi kui. 18 Won Marigi Ala naxa muxu mali na fe kui, e fa Maxali xa di Serebiya xee, naxan keli Lewi bonsoe ma. Xaxilima nan nu a ra. A naxa fa, a nun a xa die, nun a xunyae. E birin nalanxi mixi fu nun solomasaxan. 19 Xasabiya nun Yesaya, naxan keli Merari bonsoe, nun e xunyae nun e xa die, e fan naxa fa. E lan mixi moxonen nan ma. 20 E naxa fa horomobanxi walike keme firin nun moxonen na, alo mange Dawuda nun boxi kuntigie nu bara natε tongo ki naxe. Nee xa lu Lewi bonsoe mixie xa yaamari bun ma. E xilie birin nu sebexi.

21 Na temui, n naxa a fala mixi birin be Ahawa xure de ra, muxu xa sunyi suxu, muxu xa muxu magoro muxu Marigi Ala be, alako muxu xa a maxandi a xa muxu xa biyaasi sooneya muxu tan nun muxu xa die be. A xa muxu harige birin kanta. 22 N yaagixi mange maxorinde a xa soorie xa sa muxu mati alako e xa muxu ratanga muxu yaxuie ma kira xon ma. N nu bara a fala mange be, «Muxu Marigi Ala meenima a foxirabiree ma, konɔ a xonoma senbe ra mixi birin ma naxan a

raboloma.» <sup>23</sup> Na nan a toxi muxu naxa sunyi suxu, muxu naxa muxu Marigi Ala maxandi. A naxa na duba suxu.

<sup>24</sup> N naxa mixi fu nun firin sugandi serexedube kuntigie ya ma. Nee findixi Serebiya, Xasabiya, nun e xunya fu nan na. <sup>25</sup> N naxa gbeti, xεema, nun yirabase maniya e be, mangε, a xa santigie, a xa mangεdie, nun Isirayilakae naxee soxi muxu yi ra muxu Marigi Ala xa hɔrɔmɔbanxi be. <sup>26</sup> N naxan soxi e yi ra na nan ya: gbeti kilo wulu fu nun firin, kilo kεmε, yirabase gbeti daaxi kilo wulu saxan kilo kεmε naani, xεema kilo wulu saxan kilo kεmε naani, <sup>27</sup> pɔɔti xεema daaxi mɔxɔnɛn, naxan sare kɔbiri kole xεema daaxi wulu keren lima, nun yirabase firin naxan yailanxi yɔxui ra. Na sare gbo alɔ xεema sare. <sup>28</sup> N naxa a fala e be, «Wo bara findi wo benbae Marigi Alatala gbe ra, wo tan nun yi naafuli birin. Wo birin bara findi serexe panigexi ra a be. <sup>29</sup> Wo xa wo pɛngi sa yi birin xɔn ma han wo xa sa a dentege serexedube kuntigie be, Lewi bɔnsɔε mixie nun Isirayila xabile kuntigie be Darisalamu, Alatala xa hɔrɔmɔbanxi xa naafuli ragatama dennaxe.» <sup>30</sup> Na nan na ki serexedubee nun Lewi bɔnsɔε mixie naxa xεema, gbeti, nun yirabase maniyaxie sɔtɔ, e naxan xaninma Darisalamu muxu Marigi Ala xa banxi kui.

<sup>31</sup> Muxu naxa keli Ahawa xure de ra sigafe ra Darisalamu, kike singe xi fu nun firin nde ra. Ala naxa muxu ratanga muxu yaxuie ma kira xɔn ma. <sup>32</sup> Muxu to so Darisalamu, muxu naxa muxu malabu xi saxan. <sup>33</sup> A xi naani nde, muxu naxa xεema, gbeti, nun yirabasee maniya

Ala xa hōrōmōbanxi kui. Muxu naxa na so sērēxēdubē Meremoti, Uriya xa di yi ra, Finexasi xa di Eliyeseri, nun Yesuwa xa di Yosabadi, nun Binuwi xa di Nowadiya ya xōri. E birin findixi Lewi bōnsōē mixie nan na. <sup>34</sup> E to gē na birin kōntide nun a maniyade, e naxa na xasabi sēbē.

<sup>35</sup> Nama naxan keli konyiya Perise bōxi ma, nee naxa sērēxē gan daaxi ba Isirayila Marigi Ala bē. Na findi tuura fu nun firin nan na Isirayila bōnsōē birin bē, nun yēxēē kontonyi tongo solomanaani nun senni, yēxēē tongo solofere nun solofere, nun sikōtē fu nun firin. Na findi yunubi xafari sērēxē nan na a gan daaxi. <sup>36</sup> E naxa mangē xa yaamari so a rasimae nun a xa gominae yi ra, naxee nu na naakiri ma, alako e xa Isirayilakae mali Ala xa banxi tide.

## 9

### *Si gbete ginēe dōxōfe*

<sup>1</sup> Na fe birin to ba a ra, kuntigie naxa fa n yire, e naxa a fala n bē, e naxē, «I xa a kolon a Isirayilakae, sērēxēdubēē, nun Lewi bōnsōē mu gbilenxi si gbeteē xa naamunyi jaaxie fōxō ra. E bara bira Kanaankae, Xitikae, Perisikae, Yebusukae, Amonikae, Mowabakae, Misirakae, nun Amorikae xa wali kobie fōxō ra. <sup>2</sup> E bara na sie xa di ginēe dōxō, e man bara e fen futi ra e xa die bē. E bara won ma si seniyenxi masunbu si gbeteē ra. Forie nun kuntigie nan singe na fe rafōlō.»

<sup>3</sup> N to na mē, n naxa n ma donmae ibōō, n naxa n xunsexe nun dē xabe matala, n fa dōxō yigitegē kui. <sup>4</sup> Mixi naxee findi Ala yaragaaxuie ra, nee

birin naxa fa n yire na mixie xa wali kobi xa fe ra. N naxa lu naa han nunmare serexe temui. <sup>5</sup> Nunmare serexe temui, n naxa siga, n naxa n xinbi sin, n nan n belexe ti n Marigi Alatala be n ma donma iboxie ra n ma. <sup>6</sup> N naxa a fala, «N Marigi, n bara kontofili, n bara yaagi i xon ma, barima muxu xa yunubie i mabiri bara gbo han a bara dangi a i. <sup>7</sup> Kelifa muxu benbae xa temui ma, fa doxo to ra, muxu na na wali kobie nan fari. Na na a ra, i bara muxu nun muxu xa mangee nun muxu xa serexedubee jaxankata. I bara muxu lu si gbete yi ra, e xa muxu faxa santidegema ra, e xa muxu xanin, e xa muxu harige birin suxu. Han to muxu na na kontofili nan kui. <sup>8</sup> Kono yakosi, yi waxati di kui, i tan muxu Marigi Alatala bara hinne muxu ra, i bara nde rakisi, i bara muxu raso i xa yire seniyenxi, alako muxu xa limaniya, muxu xa heeri nde soto muxu xa konyiya kui. <sup>9</sup> Muxu nu na konyiya kui, kono muxu Marigi Ala mu muxu rabolo. A naxa hinne muxu ra Perise mangee ya xori. A naxa muxu rakisi alako muxu xa muxu Marigi Ala xa hromobanxi ti a nu na dennaxe, muxu man xa kantari soto Yudaya boxi ma Darisalamu kui.»

<sup>10</sup> «Yakosi, muxu Marigi Ala, muxu xa munse fala sonon? <sup>11</sup> Muxu bara i xa seriye matandi, i seriye naxan so muxu yi ra i xa konyi di namiponmee saabui ra. E a fala ne, «Wo fama sode boxi naxan ma, wo lan wo xa doxo dennaxe, naakae xa yunubie bara gbo han a bara dangi a i. Menni birin bara findi yire seniyentare ra. <sup>12</sup> Wo naxa tin wo xa die fide naakae ma. Wo man naxa na di ginne fan tongo wo xa die be.



Wo naxa saate yo tongo e be, wo man naxa bira e harige foxo ra. Xa wo mu bira na fe jaaxi moolie foxo ra, wo fama ne senbe sotode, wo na boxi daxamui donma ne, wo xa die fan fama na boxi sotode ke ra.»

<sup>13</sup> «Muxu Marigi, i bara muxu jaxankata muxu xa yunubie xa fe ra, konɔ na jaxankate mu gbo alo muxu xa yunubi gboxi ki naxe. I bara tin muxu rakiside, muxu tan naxee na be yi ki.

<sup>14</sup> Munse noma a niyade muxu man xa gbilen i xui matandi ra, han muxu nun yi si gbeteɛ xa lu yire keren? Xa na na a ra, i fama xonode muxu ma han i muxu birin halaki. Mixi keren mu kisima. <sup>15</sup> Isirayila Marigi Alatala, i bara tin i xa muxu rakisi. Muxu tixi i ya tode ra, muxu tan yunubitoe, hali mixi seniyyentare yo mu daxa a xa ti i ya tode ra.»

## 10

### *Meeɛe si gbete ginɛe ra*

<sup>1</sup> Annabi Esidirasi to nu wafe Ala xa banxi de ra yunubi xafari maxandife ra, Isirayilaka gbegbe naxa fa a seeti ma, xemeɛ, ginɛe, a nun dimɛe. E fan naxa wa folo ki fanyi ra. <sup>2</sup> Awa, Yexiyeli xa di Sekanaya, naxan kelixi Elama bonsoe, a naxa a fala Annabi Esidirasi be, «Muxu bara wali kobi raba naxan mu rafan muxu Marigi Ala ma si gbete di ginɛe doxoɛe ra. Konɔ hali won to bara na raba, Ala tan noma won nakiside. <sup>3</sup> Won xa saate tongo won Marigi Ala be meeɛe si gbete ginɛe ra, alo i tan nun Ala yaragaaxuie wama a xon ma ki naxe. Won xa Ala xa seriye rabatu.

<sup>4</sup> Yandi, i xa muxu mali, muxu xaxili tixi i tan

nan na. Muxu na i xanbi ra. I i senbe so, i fe raba naxan lanma a xa raba.»

<sup>5</sup> Na temui Annabi Esidirasi naxa serexedube kuntigie, Lewi bonsɔɛ mixie, nun Isirayilaka birin nakali na masenyi ra. E to ge e rakalide,

<sup>6</sup> Annabi Esidirasi naxa keli Ala xa banxi naade ra, a siga Eliyasibu xa di Yehoxanan xonyi. A nu na naa temui naxe, a mu sese don, a man mu ye min pama xa wali kobi xa fe ra. <sup>7</sup> Masenyi naxa rayensen Yudaya nun Darisalamu kui, a mixi naxan birin keli konyiya kui, e xa e malan Darisalamu. <sup>8</sup> Kuntigie nun forie man naxa a fala a mixi yo naxan tondima na ra beenun xi saxan bun, na kanyi harige birin bama ne a yi ra, a man fa keru Isirayilakae ya ma naxee kelixi konyiya kui.

<sup>9</sup> Xi saxan kamalixi loxoɛ naxe, Yudayakae nun Bunyaminkae naxa e malan Darisalamu. Na naxa sa lan kike solomanaani xi moxoɽen nde ma. Nama nu tixi Ala xa banxi de ra. E birin nu serenma na loxoɛ nate tongoxi xa fe ra, nun tune belebele fan nu na fafe. <sup>10</sup> Serexedube Esidirasi naxa keli, a a masen e be, «Wo bara wali jaaxi raba si gbete ginɛe doxoɽe ra. Na bara findi yunubi xungbe ra Isirayila be. <sup>11</sup> Wo xa wo xa yunubi masen wo babae Marigi Alatala be. Wo man xa a sago raba. Wo xa gbilen yi si gbete mixie nun e xa ginɛe foxo ra.»

<sup>12</sup> Nama birin naxa a yaabi e xui itexi ra, «Awa, muxu bara tin na ra, alo i a falaxi ki naxe.

<sup>13</sup> Konoɽ pama gbo, tune fan na fafe yi temui. Won mu noma yi fe ya ibade tande ma. Xi keren xa na mu a ra xi firin fe mu yi ki, barima mixi gbegbe bara yunubi fe raba won ya ma. <sup>14</sup> Kuntigie xa

lu be ꝓama xili ra. Naxee birin si gbete di ginεe dɔxɔxi won ma taae kui, e xa fa keren keren yi ra waxati ma naxan tongoxi e be. Taa yo taa xa forie nun kiitisae xa nee xa fe mato han Ala dijɛma won ma temui naxe.»

<sup>15</sup> Asaheli xa di Yonatan nun Tikifa xa di Yaxaseya naxa kafu Mesulama nun Sabetayi Lewi bɔnsɔε mixi ma, e gbansan mu tin na xaxili ra. <sup>16</sup> Kɔnɔ e boore naxee kelixi konyiya kui, nee naxa tin na nate tongoxi ra. Annabi Esidirasi serexedube naxa kuntigi keren sugandi xabile keren keren birin ya ma. E naxa na fe mato folo kike fu nde, xi singe ra. <sup>17</sup> Kike singe xi singe nde ra, e naxa ge na xemεe xa fe ya ibade naxee ginε gbeteε dɔxɔ.

<sup>18</sup> A naxa a li, serexedubee fan xa di ndee nu bara si gbete ginεe dɔxɔ, alɔ Yesuwa xa di ndee, Yosadaki xa di, nun a xunyaε, Maaseya, Eliyeseri, Yaribu, nun Gedalaya. <sup>19</sup> E naxa laayidi tongo e xa e xa ginεe beꝓin, e man xa yexεε kontonyi ba serexe ra e xa yunubi xa fe ra.

<sup>20</sup> Nee xilie nan ya:

Fatanfe Imeri xabile ra: Xanani nun Sebadaya.

<sup>21</sup> Fatanfe Xarima xabile ra: Maaseya, Eliya, Semaya, Yexiyeli, nun Yusiya.

<sup>22</sup> Fatanfe Pasura xabile ra: Eliyowenayi, Maaseya, Sumayila, Netaneeli, Yosabadi, e nun Elaasa.

<sup>23</sup> Fatanfe Lewi bɔnsɔε ra: Yosabadi, Simeyi, Kelaya, naxan man xili Kelita, Petaxiya, Yudaya, nun Eliyeseri.

<sup>24</sup> Kelife beetibae ya ma: Eliyasibu.

Kelife Ala xa hōromobanxi naade makantamae  
ya ma: Salumu, Telemi, nun Uri.

<sup>25</sup> Boore Isirayilakae xilie nan ya naxee na mooli  
rabaxi:

Fatanfe Paroso xabile ra: Ramiya, Yesaya,  
Malakiya, Miyamin, Eliyeseri, Malakiya,  
nun Benaya.

<sup>26</sup> Fatanfe Elama xabile ra: Mataniya, Sakari,  
Yexiyeli, Abidi, Yeremoti, nun Eliya.

<sup>27</sup> Fatanfe Satu xabile ra: Eliyowenayi, Eliyasibu,  
Mataniya, Yeremoti, Sabadi, nun Asisa.

<sup>28</sup> Fatanfe Bibayi xabile ra Yehoxanan, Xananiya,  
Sabayi, nun Atelayi.

<sup>29</sup> Fatanfe Bani xabile ra: Mesulama, Maluku,  
Adaya, Yasubu, Seyala, nun Yeremoti.

<sup>30</sup> Fatanfe Mowaba Paxati xabile ra: Adina, Ke-  
lali, Benaya, Maaseya, Mataniya, Besaleli,  
Binuwi, nun Manasi.

<sup>31</sup> Fatanfe Xarima xabile ra: Eliyeseri, Yisiya,  
Malakiya, Semaya, Simeyon, <sup>32</sup> Bunyamin,  
Maluku, nun Semaraya.

<sup>33</sup> Fatanfe Xasuma xabile ra: Matenayi, Matata,  
Sabadi, Elifeleti, Yeremayi, Manasi, nun  
Simeyi.

<sup>34</sup> Fatanfe Bani xabile ra: Maadayi, Amarama,  
Yuweli, <sup>35</sup> Benaya, Bedeya, Keluhayi,  
<sup>36</sup> Faniya, Meremoti, Eliyasibu,  
<sup>37</sup> Mataniya, Matenayi, nun Yaasu.

<sup>38</sup> Fatanfe Binuwi xabile ra: Simeyi, <sup>39</sup> Selemiya,  
Natan, Adaya, <sup>40</sup> Makinadebayi, Sasayi,  
Sarayi, <sup>41</sup> Asareli, Selemiya, Semaraya,  
<sup>42</sup> Salumu, Amaraya, nun Yusufu.

- <sup>43</sup> Fatanfe Nebo xabile ra: Yeyiyeli, Matitiya,  
Sabadi, Sebina, Yido, Yoweli, nun Benaya.
- <sup>44</sup> Yi mixi birin nu bara si gbete ginɛe dɔxɔ, nde  
nu bara die bari.

**Soso Kitaabuie: Tawureta, Yabura, Inyila**  
**The Holy Bible in the Susu language of Guinea (Soso**  
**Kitaabuie: Tawureta, Yabura, Inyila Bible)**

copyright © 2015 Mission Evangélique Réformée Néerlandaise et les Traducteurs Pionniers de la Bible

Language: Susu

Contributor: Mission Evangélique Réformée Néerlandaise

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2020-11-11

---

PDF generated using Haiola and XeLaTeX on 22 Feb 2024 from source files dated 29 Jan 2022

f1d08866-ea3e-5b9b-b506-e7690c5c61d2